

Q. D. B. V.  
DE  
NECESSITATE OFFICII  
A IVRAMENTO CALVMNIAE  
NON LIBERANTE  
DISPUTATIO IVRIDICA INAVGVRALIS  
QVAM  
POTENTISSIMO PRINCIPE AC DOMINO  
D O M I N O  
G E O R G I O II.

MAGNAE BRITANNIAE FRANCIAE ET HIBERNIAE REGE

DEFENSORE FIDEI

S. R. I. ELECTORE ARCHITHESAVRARIO

DVCE BRVNSVICENSI AC LVNEBVRGENSI

RECTORE ACADEMIAE GEORGIAE AVGVSTAE

MAGNIFICENTISSIMO

PRAESIDE

VIRO ILLVSTRI

GEORGIO HENRICO AYRERO

PHIL. ET I. V. D.

CONSILIARIO AVL. REG. AC IVRIS ANTECESSORE

PRO SVMMIS IN VTROQUE IVRE HONORIBVS RITE

OBTINENDIS

COLLOQVIO CVM ERVDITIS PVBLICO

DEFENDET

AVCTOR

PHILIPPVS GEORGIVS DE HASE

BREMENSIS

---

A. D. XXIX. APRILIS A. C. N. CIOI CCCXXXVII.

---

GOTTINGAE  
EX OFFICINA VANDENHOECKIANA.



THE  
 OF THE  
 IN THE  
 OF THE

ANTIQUITATE FIDE AC LIBERTATE  
SVA SPECTATISSIMAE FLOREN-  
TISSIMAEQVE  
REIPUBLICAE BREMENSIS  
SENATVI AMPLISSIMO

VIRIS

PERILLVSTRI BV S MAGNIFICIS EXCELLENTISSIMIS  
CONSULTISSIMIS DOCTISSIMIS

DOMINIS

CONSULIBVS  
SYNDICIS  
SENATORIBVS

PATRIAE PATRIBVS OPTIME MERENTIBVS  
AVREAE LIBERTATIS VERA E VIRTVTIS  
SALVTIS PVBLICAE  
RERV M ITEM SACRARV M  
DEFENSORIBVS PROPVGNATORIBVS CVRATO-  
RIBVS

IYSTITIAE SACERDOTIBVS  
MV SARV M PRAESIDIBVS  
MAECENATIBVS  
PATRONIS SVIS  
OPTIMIS MAXIMIS

DISPUTATIONEM HANC IURIDICAM  
INAVGVRALEM  
LAETVS GRATVS LVBENS MERITO  
OFFERT  
SESE  
OMNI OBSEQVIO PIETATE STUDIO  
COMMENDATVRVS

PHILIPPVS GEORGIVS DE HASE.



DISSERTATIO INAVGVRALIS IVRID.  
DE NECESSITATE OFFICII  
A JURAMENTO CALUMNIAE NON  
LIBERANTE.

PROOEMIUM.

**T**am plena calumniarum, insidiarum, fraudum, fictionum ac malitiarum sunt omnia non in quotidiana solum hominum conuersatione, vbi semper mali audacter calumniari & bonorum virorum nunc famae, nunc fortunis insidiari solent, sed etiam in iudiciis, locis illis sacrosanctis & veritati, aequitati ac iustitiae audiendae, cognoscendae, distribuendae tuendaeque destinatis vnice, vt, quamuis ceteroquin satis sint multa, quae in iure dicuntur vacua, variis occupandi acquirendique modis demum extra statum vacuitatis ponenda <sup>a)</sup>, vel hac tamen parte hocque respectu nullum dari vacuum

---

a) Egregie id eruditissimèque per omnes iuris species ostensum fuit in elegantissima dissertatione, Praefide Illustri GERBAVERO & Resp. Viro nunc Am-

pliss. Consultissimoque, FRANC. GVIL. ROMANO, Lipsiae 1725. habita, ibidemque 1739. ob praestantiam suam recula, de eo, quod in iure dici potest vacuum.

cum iudicum, vel potius iudiciale, tuto possit adfirmari. Neque hinc mirari subit, inter Deos, a gentilibus cultos, calumniae etiam & impudentiae suas fuisse aras b). Quamvis enim hoc recte illis exprobauerit non solum LACTANTIUS, CICERO ille Christianus c), sed ipse quoque M. TULLIUS d), quod alios Deos colerent, *ut prodesse*, alios vero, *ne nocerem*; vel ex hac ipsa tamen causa, quod vitiorum aequae, ac virtutum, praesides statuerent illosque non minus placare, quam hos sibi propitios reddere, cuperent, eorum Theologiae cultum calumniae quam maxime conuenisse, haud immerito iudicauit HENR. FRENCMANNUS e) *Dubito enim, inquit, an ulla pestis, aut tetra lues diris atque exitiabilibus phlegmothontis gurgitibus excita, funestius unquam horribiliusque saevierit, quam calumniarum furiae. Nam cum aëris quidem contagia omnes promiscue inficiant, hoc fatale monstrum, haec perniciēs, nisi optimos quosuis, nisi egregios & boni publici amantes, profligare solita.* Tantam e contrario probitatis ac bonae fidei vacuitatem ubique deprehendimus, ut virtutem, non a priuatae solum conditionis hominibus, sed etiam a principibus viris sanctissime colendam, penitus euanuisse, vetusque illa NASONIS cantilena; f)

*Candor in hoc aeuo res intermortua paene;*  
nostro seculo cum maxime congruere videatur. Dudum hinc de explendis hisce vacuis moralibus cogitarunt mor-

b) Vid. LIL. GYRALDUS *de Diis*, Syntagni. I. pag. 37. seq.

c) *De falsa relig.* L. I. c. 20.

d) *De Legibus* L. II. c. 2.

e) In praef. ad Libellum suum elaboratissimum, quem *Fata calumniatorum sub Imperan-*

*tibus*, inscripsit, apud Cel. OTTONEM, Syndicum reip. patriae meritissimum, in *Thes. Iur. Rom.* T. III. pag. 1649. seq.

f) Lib. II. de *Ponto* Eleg. 3. v. 5.

mortales, probe intelligentes, sine fide, i. e. sine animi orisque harmonia illa vel praestabilita, vel praestabilienda, qua nihil potest esse praestabilius, omnem societatem civilem, immo humanam consortionem omnem facile dissolui. Nullo illam autem vinculo fortiori contineri arctiusque constringi posse, merito crediderunt, quam sacro illo horrore, qui iuriurando inest. Dum enim religiosa huiusmodi asseueratione vindictam divinam in se prouocant iurantes, nisi vera loquantur, optimum hoc dictis conuentisque maiorem fidem conciliandi mutuaque hominum diffidentiam g), si non tollendi penitus, saltem magna ex parte minuendi medium fuit existimatum h). Sicuti vero variis & multiplicibus

g) Hanc vnice iuramentis originem dedisse, pluribus ostendit V. C. ABR. GOTTLOB WINCKLER in Dissertat. Iurisprudentiae consultoriae speciminis loco, sub Vitrici sui, *Illustris AYRERI*, praesidio hic 1741. habita, *de abusu iuramentorum e republica proscribendo*. Sect. I. §. 2.

h) Notum quidem est inter argumenta, quae generatim contra iuramentorum usum prolata sunt, illud dilemma satis speciosum: *Si neque bono iniurato diffidendum, neque malo iurato credendum, iis consequens videtur, a nemine iusiurandum esse exigendum*. Nam, vt ait AESCHYLVS: *ἢ καὶ ἀνδρὸς ὅρκοι πιστῆς. ἀλλ' ὅρκων ἀνὴρ*. Iuramentum non

adfert fidem viro, sed vir iuramento. Sed apposite ad illud GVIL. BARCLAVIS in Comment. ad Tit. ff. de Iurei. c. 2. apud Ill. OTTONEM, quem iterum honoris causa adpello, l. c. p. 915. respondit: *metum Numinis impellere homines aliqui malos ad confessionem veritatis*. Quod etiam gentiles agnouerunt. Hinc VIRGILIUS *Aeneid. I. 546.*

*Si genus humanum & mortalia  
seminis arma,*

*At sperate Deos memores sancti  
atque nefandi.*

Neque veritate destituitur illud effatum pulcherrimum, quod ex SOPHOCLE adduxit STORAEVS: *Apposito iureiurando cautiore & diligentior animus fit, a duobus enim*  
A 2 sibi

plicibus negotiis, quae in vita communi occurrunt, & vel extra iudicium, vel coram iudice tractantur, illud adhiberi consuevit; ita non mirum est, tot diuersas iuramentorum species enatas esse, vt eas vix enumerare possis. Hic ipse vero quotidianus eorundem vsus dicam, an abusus, tandem effecit, vt, proh dolor! vilescere coeperit sanctissimum illud vinculum, quo non nisi summa cum cautione & circumspectione vtendum erat. Quare satis praegnantibus subest causae, cur de restringendo potius & minuendo iuramentorum numero solliciti esse debeant Legumlatores & Rectores rerumpublicarum, quam illa praeter necessitatem multiplicari patiantur. Non actum hic agemus, longiorem eorum recensum instituendo examinandoque, quanam retinenda sint, & quibus contra, tanquam superfluis & inutilibus, citra reipublicae detrimentum, carere possimus i). Vnice hic subsistemus circa celebratissimam vsuque frequentissimam speciem, quae nomine iuramenti calumniae venit, disquisituri scilicet, an ab eius praestatione officii necessitas, quippe quae omnem calumniae & malitiae suspicionem remouere videtur, liberet, an non? Hanc dubiam admodum & ancipitem quaestionem paulo nunc vberius excutere eo magis operae pretium visum fuit, quo frequentius in foris de illa in vtramque partem solet disputari.

Ne vero quis neglectae methodi nos accusare queat, eum ordinem seruabimus, quem ipsa rei natura nobis suppeditat. Iubet haec, vt primum generatim quaedam de iuramento calumniae, eiusdem origine, vsu & speciebus

*sibi tum cauet, & ne laedat amicos, & ne peccet in Deos.*

i) Praestitum hoc fuit satis

ample in Dissert. supra laudata: de abusu Iuramentorum e republ. proscribendo, per totum.



ciebus distinctis praemoneamus, ac deinde ad eos, qui ad illud praestandum obligati, quique ab eo immunes sunt, transgrediamur.

## §. I.

## CALVMNIA VNDE DICATVR?

Quid sit iuramentum, ex iis iam adparet, quae in prooemio praefati sumus, neminique, nisi rerum quotidianarum plane imperito, potest esse ignotum. Quid vero sibi velit in negotio tam sancto calumnia, multo est obscurius, quam ut quisque statim intelligere possit. Ad tollendam itaque istam obscuritatem, huius vocabuli significatus paullo est accuratius inuestigandus. Nemo eius *ἔρπουρ* melius explicat GAIUS Icto a), qui a veteri verbo *caluo*, *caluor* i. e. frustrari ac decipere, deriuat. Hoc ipsum autem a caluis mimis ideo tractum esse, nos docet Grammaticum NONII MARCELLI opus, b) quod omnibus sint frustratui, qui eos per capillos capere voluerint. Elegans hinc est responsio, qua Chrysippus olim conuicium calui cuiusdam excepit apud STOBAEVM: *Tibi, inquit, contumeliam non dico, sed capillos tuos laudo, quod improbum caput refugerint.* Nec minus festiuum est Epigramma MARTIALIS c), quod in his definit versibus:

*Vis te simplicem senem fateri?  
 Vt tandem videaris vnus esse:  
 Tonfor iam reliquos metat capillos.  
 Caluo turpius est nihil comato.*

Enatum

---

a) in L. 233. ff. de R. I. *caluitur.*

b) de proprietat. serm. voce c) L. X. Ep. 83.

Enatum inde tritum latino sermone prouerbum est, quo caluum vellere dicitur is, qui frustraneum susceperit laborem. Pertinet quoque huc illud Poëtae :

*Fronte capillata est, posthaec occasio calua.*

Ex eadem enim ratione, ut bene obseruat summi nominis vir, IOH. STRAVCHIVS d), *Veteres occasionem pingebant Deam pedibus alatum, rotæ versatili gradu citatissimo circumactæ insistentem, in anteriore capitis parte capillis hirsutam, ut facile primum oblata apprehendi posset, in occipitio vero caluam, quod præterita poenitentia ductos frustraretur ac deciperet, nec amplius se apprehendi pateretur, adeo etiam ut nouacula, qua dextra manu in tergum reflexa continuit, omnem omnino moram prætereunti sibi iniectam præscinderet.* Frequens verbi usus apud veteres comicos occurrit, e quibus plura exempla huc spectantia supra laudatus MARCELLVS attulit. Ita PLAVTUS in *Casina*: *Nam ubi domi sola sum, sopor manus caluitur*, i. e. deludit atque frustratur. PACVIVS in *Medo*: *senio, pater, te vocis calui*, i. e. decipi, similitudine, *sed quid conspicio? Num me lactans caluitur aetas?* & in *Dulorestes*: *me caluitur suspicio.* ACCIVS in *Euryface*: *sed memet caluor; Vos istum, ut iussi, ocyus abstrahite.* TERENTIUS in *Adelphi*: *propter suam impotentiam se semper credunt caluier.* Omitto reliquos veterum locos, eo pertinentes, sed quin vnicum adhuc adducam, temperare mihi nequeo, qui propius ad Jurisprudentiam spectat. Legem XII. Tabularum puto, quæ ita habet: *sei caluitor pedemue struit, manom endojacitod*, ut celeberr. FVNCCIVS e), siue *endo iaciso*, ut THEOD. MARCILIUS f), legit,

d) in Dissert. de iuram. calumniae §. 4. pag. 65.

f) apud HOFFM. *Hist. Iur.*

e) in Leg. XII. Tab. I. L. III. Vol. II. Part. prior. pag. 297.

legit, siue, ut alii g) ultimum verbum diuidunt, *endo jacito*, i. e. si quis in ius vocatus frustretur aut in fugam se dare studeat, in eum manus iniicito h). Idem quoque fragmentum ex LVCILIO i), sed ut FVNCCIVS adnotauit, corrupte, adduxit NONIVS MARCELLVS. Initium vero huius legis, obseruante DYONISIO GOTHOFREDO k), exhibuit GAIVS, dum ita infit: *Si caluitur & moretur & frustretur*. Quod STRAVCHIVS l) ita explicat: *qui caluitur, moram iniicit & aduersarium frustratur*. Inde, ut pergit GAIVS, qui haec verba studio coniunxit, & *calumniatores adpellati sunt*, addita ratione, *quia per fraudem & frustrationem alios vexarent libris*. Atque dum vterius addit: *Inde & cauillatio dicta est*, satis clare indicat, eandem calumniatoris & cauillatoris esse originem, & vtrumque a caluis nomen trahere, qui frustrantur ac decipiunt. Hinc PAVLVS ICIVS m) *Calumniosum vocat, qui sciens prudensque per fraudem negotium alicui comparat*.

## §. II.

## QVINAM CALVMNIATORES ET SYCOPHANTAE VOCATI?

Hoc ipsum vero variis modis tam in criminalibus, quam civilibus causis, fieri potest. Et quidem proprie Romanis calumniari dicti sunt, qui falsa crimina inten-

g) Vid. HOFFM. l. c. pag. 142. ibique LVDOVICVS CHARONDAS pag. 286. EX HALICARNASS. L. 2. & POMPONIO Cap. 2. de orig. Iuris, pag. 205. FR. HOTOMANNVS, & pag. 301. FVLVIVS VRIVS.

h) Vid. FESTVS de V. S. voce *Struere*.

i) Sat. L. XVII.

k) not. e. ad cit. L. 233. seqq. de R. I.

l) Dissert. cit. §. 5.

m) Recept. sent. Lib. I. Tit. V. §. I. apud SCHVLTING. Iurispr. Anteiustinian. p. m. 228.

intendebant, sicut praeuaricari, qui vera crimina abscondebant, tergiuersari, qui in vniuersum ab accusatione desisteabant. Ad hos enim tres modos temeritatem accusatorum reduxit Ictus MARCIANVS a). Graeci sycophantarum nomine denotare solebant omnes, qui falso aliquem criminis accusabant, vnde, obseruante BRENCMANNO, quem statim citabimus, ipsum Sctum Turpillianum, quod de calumniis agit, συκοφαντῶν λόγῳ dictum esse, legimus. Pertinet quoque huc Rescriptum Imperatoris GORDIANI, quod si cum MARCIANI Icti doctrina conferas, egregie hanc adpellationem illustrat. Ita enim habet b): *fustibus caesum, cui per praecone-  
nem ita dictum est; συκοφάνησας, ut calumniatorem videri  
notatum, ideoque esse famosum, manifestum est.* Denomina-  
tionis vero huius rationes aliae ab aliis adferuntur c),  
seriae partim, partim iocosae. Hic illam inprimis  
notamus, quam glossatores d) a duobus illis seruis  
Graeci cuiusdam viri repetunt, quorum alter nocens  
alterum innocentem, quod ficus domi paratas deuoras-  
set, temere accusauerat, cuius tamen falsam accusatio-  
nem ita detexisse fertur herus, ut haurire vtrumque aquam  
subtepidam ac deinde euomere iuberet. Veriorem  
huius vocis originem indicasse videtur EVGRAPHVS, TE-  
RENTII Scholiastes e), ab his deducens, qui Athenis accusa-  
bant eos, qui cum ficu frumenta extra urbem ferebant, & saepe  
adeo falsis delationibus aliis negotium faceiebant.

## §. III.

a) in L. I. §. I. seqq. ad Sctum Turpill.

CHYS de curiosit. extr. SVIDAS & FESTVS h.

b) in L. 16. Ex quibus caus. infam.

d) Ad l. cit. 16. C.

c) Vid. ATHENAEVS Deipno-  
soph. L. III. Cap. 2. PLYTAR-

e) Ad Andr. Act. V. sc. 4. v. 16.

## §. III.

## DE POENIS CALUMNIATORVM.

Huius generis calumniam, ceu maxime noxiam Reip. ciuibusque valde periculofam, quomodo vindicauerint Romani, five in publicis, five in priuatis iudiciis deprehenderetur, eleganter & multo cum eruditionis apparatu exposuit Illuſtriſſimus ROCHVS FRIDERICVS COMES LINARIAE *a*), quem poſt finitum maxima cum laude ſtudiorum Academicorum curſum ſumma merita ſua eminentiſſimas ad dignitates ſplendidiffimasque legationes euexerunt. Nobis, hic inſtituti noſtri rationem habentibus, ſummam tantum poenarum, in calumniatores huiusmodi ſtatutarum, exhibuiſſe ſufficiet. Non attinet itaque ad remotiſſima illa tempora & prima initia adſcendere, quibus urbem Romam vel omnino *ſine lege, ſine jure certo egiffe, vel omnia manu a Regibus gubernata eſſe*, POMPONIVS *b*) ſcribit, quamquam de vetuſtiſſimo & proprio veluti principatus malo hoc antiquiſſima calumniarum exempla, in hiftoriae Romanae ſcriptoribus paſſim obuia, ſatis teſtantur. Sed circa liberae ſolummodo Reipublicae incunabula ſubiſtemus. Hic vero, quod mireris, in legibus XII. Tab. omnis tamen publici priuatiſque iuris fonte, nihil plane de hac re ſancitum reperimus, forte, vt haud improbabili coniectura rationem huius ſilentii adſecuti eſſe videntur, qui paullo ſagacius

*a*) in Exercitat. Jenae 1728. publice cum omnium applauſu diſputata, *de Iuriſignandi calumniae moralitate, hiftoriae princi-*

*pumque imperii ab illo immunitate* Cap. II. §. 2. ſeqq.

*b*) in L. 2. §. 1. & 3. ff. de orig. Iuris.

gacius homines odorari, eorumque ingenia peruestigare didicerunt, quia ipse Appius Claudius, antesignanus Decemviorum, ludicis auctoritate abutens, summum calumniatorem egit, dum, teste LIVIO *c*), impotenti libidine abreptus aceusatorem subornavit, qui Virginiae status controuersiam moueret, pessimoque suo exemplo honori, bonis vitaeque aliorum calumniose insidiari docens, nihil in tabulas referendum existimauit, ex quo ipsi Legislatores & iudices iudicari possent. Sicuti vero hac ratione vitio tam foedo atque detestando satis mature ac praepropere Respublica Romana infecta fuit; ita, crescentibus falsis publicorum criminum accusatoribus, auctoque eum in modum pruritu calumniandi, ut non solum ex infima plebe homines, sed etiam nobiliori loco natos corripere, lege Remmia *d*) constitutum est, ut omnium calumniatorum fronti, tanquam maxime conspicuae humani corporis parti, qua & per impudentiam suam quam maxime peccassent, litera K inureretur *e*), quae ipsa eorundem crimen indicaret, quandoquidem non calumniam, sed Kalumniam scribere solebant *f*). Vnde simul apparet, cur *integrae frontis homo* calumniatori opponatur *g*). Nimis egregius est locus CICERONIS *h*), quo legis huius, impudentissimo hominum generi

*c*) L. III. Cap. 43. seqq.

*d*) De cuius vero nomine, sententia & origine pariter atque abrogatione erudite disserit HENR. BRENCMANNVS in lib. sing. de legis Remmiae exitu, qui insertus est Illustris OTTONIS *Thesouro Iur. Ciuil.* T. III. pag. 1574.

*e*) Vid. L. I. §. 2. ff. ad *Stum*

*Turpill.* ibique GOTHOFREDVS

*f*) Quam scribendi rationem belle explicat P. PITHOEVS in notis ad *Mosaicar. & Roman. LL. Collat.* Tit. III. §. 4. n. 33. apud SCHVLTING. in *iurisprud. anteiustinian.* p. m. 747.

*g*) in L. 13. ff. de Test.

*h*) in Orat. pro *Rosc. Amer.* C. XX.

neri oppositae, & finis & effectus significanter exprimitur, quam ut silentio hic debeat praetermitti. Postquam enim eleganter atque venuste anseribus & canibus, furēs non internoscentibus, sed ad quoscunque adpropinquantes sine suspitione etiam clamantibus & latrantibus, falsos accusatores comparauit, ita deinde pergit: *sed si ego hos, ludices nempe, bene noui, literam illam, cui vos eousque inimici estis, ut etiam eas omnes oderitis, ita vehementer ad caput affigent, ut postea neminem, nisi fortunas vestras, accusare possitis.* Vtrum hic lectio: *eas omnes*, recte se habeat, an alia potius substituenda sit, quae menti CICERONIS, ad Calendas, quae etiam per K. scribebantur, & ideo debitoribus odiosae erant, quia singulis Calendis aes alienum ab illis exigi solebat, forte respicientis, magis conueniat, Criticorum scholae merito diiudicandum relinquimus i), de vltimorum tantum sensu verborum solliciti, qui, nisi nos fallit opinio, is esse videtur, ut M. TVLLIVS, utpote turpitudinem vitii Romanis tam frequentis atro depicturus colore, innueret, stigmate sic notatos, inexpressibili, ut belle VALERIVS MAXIMVS ait, k) *literarum nota inustos & summa oris contumelia affectos, seruorum instar fugitiuorum l) aut alias delinquentium, simili ratione prima delicti commissi litera signatorum m),* cuilibet ex populo spectaculo esse abominabili, neque amplius ad iudicium admitti, in eam vero

i) Vid. GRUTERS ad h. l. & VIUS SCHOLIASTES in Edit. IAC. GRONOV. add. BRENCMANN l. c. Cap. V.

k) L. VI. cap. 8. Ext. vlt.

l) Eos toto Epigrammate no-

tatos fuisse docet PETRONII *Satyricon* Cap. 103.

m) de quo signandi more legi potest PANCIROLLVS *Var. Lect.* L. II. Cap. 242.

ro seruilem conditionem propria culpa sic detrufos, neminem habere, quem accusent, quam semet ipsos, siue infortunium illud suum atque infamiam, quam sua calumniandi audacia euidentibusque calumniis sibi attraxerint. Haud parum lucis huic CICERONIS sententiae affundit locus PLINIANVS *n*), non minus dignus, qui hic locum occupet. Ostensurus enim praestantissimus Traiani praeco calumniatorum, qui ante huius Imperatoris tempora poenam stigmatis ob spem compendiorum praemiorumque ingentium, delatoribus *o*) a prauis instigatoribus, subinde etiam a principibus ipsis propositorum, parum curabant, temeritatem improbitatemque omnibus innocentissimis quoque reformidandam, ita inter alia perorat: *Neque, ut mea ex sanguine illam & ferream frontem nequicquam conuulserandam praebeant punctis, & notas suas rideant; sed spectent paria praemio damna, nec maiores spes, quam metus habeant, timeantque, quantum timebantur.* Verum enim vero non hoc solum ex vltimis praesertim huius loci pulcherrimi verbis discimus, admodum fuisse inuisos delatores, ex calumniis quaestum facientes, quem alibi *p*) CICERO iure meritoque turpissimum dixit; sed id quoque simul ex priori eius membro luculenter adparet, ad compescendos hosce venales accusandi machinatores, in omnes cuiuscunque ordinis, aetatis & sexus homines iusto licentiosius grassantes, in locum

*n*) in *Paneg.* Cap. 5.

*o*) Illos hinc etiam, & libera republica, & sub principibus quadruplatores dictos esse, ex ASCONIO PEDIANO ad CICERONIS *Verr.* II. C. 7. obseruat BRENCMANNVS l. c. C. III. vbi

cetera quoque delatorum & calumniatorum nomina magno studio recenset; fata vero eorundem sub imperatoribus peculiari libello supra iam laudato exponit.

*p*) L. II. de *Orat.* Cap. 35.



locum inuentionis olim consuetae subscriptionem in crimen, q) qua ad poenam talionis, siue supplicii similitudinem, accusator sese obligare tenebatur, surrogatam fuisse r). Vtrum autem haec ab ipso Traiano demum, vt sat speciosis argumentis (contra BRENCMANNVM euincere studuit *Illusterrimus* COMES LINARIAE s), introducta sit, an dudum antea sub antecessoribus eius inualuerit, vti quidem laudatus BRENCMANNVS non minus speciose ostendit, iam non disquirimus, neque, vt nostrum in re tam dubia & incerta iudicium quicquam valere debeat, nobis sumimus, illud pro certo cum vtroque statuentes, in eo falsum esse magnum CUIACIUM t) & totum Iureconsultorum, ipsum secutorum, agnoscere, quod, a

CON-

q) Huius a veteri subscriptione siue inscriptione differentiam praeclare ex antiquis scriptoribus ostendit BRENCMANNVS l. c. cap. XIX. & XXI.

r) Eandem poenam calumnie accusantium, quae ius can. etiam probat c. 2. C. 4. q. 4. & c. 14. X. de *Accusat.* veteribus quoque Germanis, Romanos hac in re imitatis, placuisse, observat B. HEINECCIUS in *Elem. Iur. Germ.* l. III. Tit. IX. §. 311. Inter alias leges clarissima est IEX WISIGOTH. l. VII. Tit. I. §. 1. *Index reum, qui accusatur, antea non torqueat, quam ille, qui accusat, si indicem praesentare*

*noluerit, se per placitum trium testium roboratione firmatum, ea conditione constringat, ut, si is, qui accusatus est, manifestis indicibus innocens comprobatur, ipse poenam, quam alii intendit, excipiat.* Idem obtinere apud Anglos in falsis accusationibus criminis perduellionis, testatur ED. COKIVS p. III. of the *Laws of England* p. 26. Quid in Germania intuitu vinculi inscriptionis & generatim circa accusationem vsu seruetur, exponit Cel. ENGAV. *Elem. iur. crim.* l. II. Tit. V. §. 61. Add. III. LEYSER Sp. LVI. m. 8.

s) in diss. cit. Cap. II. §. V.

t) Observat. l. VII. C. 13.

CONSTANTINO demum M. <sup>u)</sup> poenam L. Remmiae fuisse abrogatam, existimauit. Neque vero reliqua remedia, siue ordinaria, siue extraordinaria, persequi est animus, quae L. Remmiam infecuta & singularibus calumniae speciebus diuersimode accommodata sunt <sup>x)</sup>).

#### §. IV.

#### DE ORIGINE IVRISIVRANDI CALVMNIAE.

Non possumus vero non illam cautelam paullo propius inspicere, quae antiquissimis etiam temporibus inter calumniae remedia nobis sese offert. Hoc est ipsum iusiurandum calumniae, de cuius origine hic pauca praemittere e re nostra fuerit. Nimis alte eam repetere, qui in ipso Sacro Codice huius iuramenti sedem quaerunt, praeter alios <sup>a)</sup> iam probe animaduertit IOH. SAMSTRYKIVS <sup>b)</sup>), haud immerito hinc carpens SVRDVM, <sup>c)</sup> IOH. BAPTISTAM <sup>d)</sup> & MENOCHIVM <sup>e)</sup>), qui *Exodi* XXII. v. 11. illud deprehendisse sibi visi sunt, cum tamen, non de

<sup>u)</sup> in L. 17. C. de poen. quae eadem est cum L. 2. C. Theod. eodem, ubi lectur dignissimae sunt IAC. GOTHOFREDI de exitu L. Remmiae obseruationes, quae BRENCMANNO, uti ipse in praefatione ad hunc librum fatetur, vltius in illum inquirendi ansam praebuerunt.

<sup>x)</sup> Accurate illa enumerat BRENCMANNVS L. c. Cap. 19. conf. Tit. ff. de calumniatoribus, & GONZALEZ. ad Tit. X. h.

<sup>a)</sup> Vid. KETTLER *Decis. Ostfrs.* Cent. I. D. 42. ibique cit. GRAEV. L. I. *pract. concl.* 85. n. 1. seq. HARPRECHT ad §. 1. I. de poenat. *temere litig.* BESOLDVS in diss. de *ihram. cal.* n. 7.

<sup>b)</sup> Diss. de *iuramenti cal. remissione* cap. I. n. 4.

<sup>c)</sup> *Decis.* 18. n. 9.

<sup>d)</sup> De *Arbitris* L. X. n. 12.

<sup>e)</sup> de *arbitr. iud. quacs.* Lib. I. qv. 20. n. 2.

de calumniae, sed de litis decisorio eoque, vt WERNHERVS f) explicat, purgatorio iuramento ibidem agi, ipsa textus verba satis clare indicent. Neque ADRIANI TVRNEBI g), vtut probabilior, arridet coniectura, quae etiam IOH. BAPTISTAE HANSENIO h) placuit, scilicet a Graccorum athletis iusiurandum de calumnia deriuandum esse, quippe quos, antequam in arenam descenderent ac pugnam Olympiacam inirent, coram celebratissima illa & terrorem iniiciente Phidiae statua, se sine dolo malo legitime pugnaturos esse, iurare consueuisse, ex PAVSANIA IOH. PHIL. PFEIFFERVS i) docet. Non enim opus est in peruestiganda iuramenti Cal. origine ad iuramenta recurrere, quae gladiatoribus solemnia erant, quum eius vsus in ipsis Atheniensium iudiciis tanto frequentiore deprehendamus, quanto magis illos calumniis falsisque delationibus delectatos fuisse, ex iis facile constare potest, quae supra de sycophantis diximus, quos ex leuissimis saepe caussis, vel ob quaestum, vel expetulantia etiam, aliis molestias grauissimas intulisse, notum est. Horum igitur malitiae vt obex poneretur, inter varia remedia, quae hunc in finem excogitauerant Graecorum legislatores, etiam iuriurando de calumnia locum fecerunt, quod, prouti tam ab actore, quam a reo, praestandum in caussis, tum criminalibus, tum ciuilibus, erat, ita diuersa quoque nomina accepit; quandoquidem ratione illius *προκαμωσία*, respectu huius *ἀντικαμωσία*, & vtriusque partis intuitu *διακαμωσία* audit k). Sicut autem, Ro-

f) Part. IV. Obs. 151. n. 654.

g) *Aduersar.* L. XXVII. c. 20.h) In libro de *Iurei. veterum*, qui in T. V. Thesauri Graeviani extat.i) *Antiquit. Gr.* L. I. c. 49.k) Vid. IVL. POLLUX in *Onomast.* L. VIII. cap. 10. sub initium & conf. CAR. SIGONIVS de *Rep. Athe-*

Romanos, constat, plura instituta alia, ab Atheniensibus petita, in remp. suam inuexisse, ita dubitandum non est, quin ipsi etiam usum huius Sacramenti acceperunt ferant. a).

### §. V.

#### DE EIVSDEM VSV IN CAUSSIS CRIM.

Neque tamen statim in omnibus, sed primum in criminalibus tantum caussis ei locum dederunt. Priusquam enim ad accusandum admitterentur accusatores, iuramentum calumniae ab iis exigi solebat, quo asseuerabant, se non calumniose, sed iustis & legitimis motos caussis litem aduersario intentare. Retulit huc BRENCMANNVS b) locum CICERONIS c), quo dicit: *Accusare propter calumniae metum non est ausus*, nec non LIVII d), quo & subscriptionis & iurisiurandi calumniae mentionem facit. In ipsis autem legibus Romanis antiquiora fere huius iurisiurandi vestigia non occurrunt, quam in lege *Servilia de Repetundis*; cuius fragmentum aeneum SIGONIVS e) & ex illo quaedam aduersus calumniam capita PAVLVS MANVTIVS exhibuit f). Hoc iusiurandum sicut olim promiscue in omnibus accusationibus praestari solitum est; ita inprimis in diuinatione eo maiorem usum ha-

*Atheniensi* L. III. c. II. & c. IV.  
SAM. PETITVS in *LL. Att.* p. 322.  
MEVRSIVS in *Areopago.* c. VIII.  
Add. IANVS A COSTA ad §. I. I.  
*de poena temere litig.*

a) Vid. SCHNEIDEWIN ad  
Tit. Instit. *de poena temere liti-*  
*gant.* IAN. A COSTA l. c.

b) l. c. cap. XIX.

c) In orat. *pro domo* Cap. 49.  
Add. COELII epist. ad CIC. L. VIII.  
ep. 8. & PLIN. L. V. epist. vlt.

d) Lib. XXXIII. cap. 47.

e) *De Iudic.* cap. 27.

f) In Notis ad *Cic. epist. fam.*  
L. VIII. ep. 8.

habuit, quo crebrior hic praeuaricandi occasio fuit. Erat enim, definiente GELLIO *g*), diuination nihil aliud, quam praeuia iudicium cognitio, qua de constituendo accusatore quaerebatur, iudiciumque super ea re reddebatur, cuius potissimum ex duobus pluribusue accusatio subscriptione in reum permitteretur, cuius iudicii diuinatorii exemplum illustre extat apud CICERONEM *h*), vestigium superest apud ULPIANVM *i*). Quoniam itaque iustam accusationem veriti saepe collusores, siue gratia, siue pecunia, conquirebant, qui se quidem ad accusandum offerrent, reos tamen deinde, veras probationes dissimulando, falsas contra excusationes admittendo, liberarent, facile inde colligi potest, quantopere timendus eiusmodi accusatorum concursus, quam caute & circumspecte circa illos eligendos iudicibus procedendum, & quam necessarium fuerit, vt de calumnia iurarent.

### §. VI.

#### DE EIVS VSV IN CAUSSIS CIV.

Quod vero in causis criminalibus ab initio potissimum visitatum fuit iuramentum, successu temporis ad civiles quoque controuersias fuit translatum. Posset id ex variis iuris nostri locis luculenter ostendi, nisi iam alii hic nobis otium fecissent, inter quos STRAVCHIVS *a*) in primis, aegre ferens, IUSTINIANVM *b*), quem ex eadem ratione

ia-

*g*) in *Noft. Att.* L. II. cap. 4.

*h*) in *Verrem.* c. XV.

*i*) in l. 16. ff. *de Accus. & in-*  
*script.*

*a*) *Diff. cit.* §. 23. seqq.

*b*) *Arg. l. 2. C. de iurei. pro-*  
*pter cal. dando.*

iaſtantiæ accuſat ANTON PICHARDVS, c) ICtus Hiſpanus, ſe pro huius iuriſiurandi auctore venditaſſe, variis legibus Pandectarum d) demonſtratum iuit, illud iam iure veteri obtinuiſſe, hoc tamen ſimul lubenter largitus, iure Codicis & Nouellarum ei certam formam certumque modum fuiſſe præſcriptum e), qui deinde iure pontificio f) ipſiſque imperii legibus publicis g) magis magisque tuit determinatus. Vnde quoque IVSTINIANVM vel eatenus ab arrogantiae nota poſſe liberari, recte STRYKIVS h) de GOEBEL i) & III. FLOERCKIVS. k) exiſtimarunt.

## §. VII.

c) in *Comment.* ad §. 1. I. de poena temere litig. n. 20.

d) Vid. inter alias l. 13. §. 3. de damno infecto l. 6. §. 2. ff. de edendo l. 44. §. 4. ſam. erciſc. l. 15. §. 1. ff. de Reb. auctorit. iud. poſſid. Plures congeſſit KETTLER cit. Dec. 42. n. 7. Eiuſdem quoque iuramenti mentionem facit PAVLVS *Recept. ſent.* L. II. Tit. I. §. 2.

e) Quare ad tollendum illud dubium, an IVSTINIANVS primus huius iuramenti auctor fuerit, quod PAVLO TRIBONIANVM in cit. l. 44. ff. *Famil. erciſc.* adſcribere, CUIACIVS in *Parat. C.* h. t. refert, probe monetIANVS A COSTA l. c. obſervandum eſſe, vnam tantum olim partem ad illud præſtandum adactam fuiſſe, Iuſtinianum autem id vtrique, &

actori & reo, & quidem in omnibus litibus, non, vt olim, in quibusdam ſolum iniunxiſſe.

f) Tit. X. de iuram. cal. & eod. in 6.

g) *Ordinat. cam.* Part. I. Tit. 65. & *Receſſ. imper.* de anno 1654. §. 43.

h) in *Diſſ. de iuram. cal. remiſſ.* Cap. I. n. 8. ſeq.

i) in *Diſſ. de orig. uſu & abuſu. iuram.* cap. 2. §. 5. not. a.

k) in *Diſſ. de iuram. cal.* §. V. ubi ſimul recte non ſolum ex legibus Pandectarum, ſed etiam ex l. 9. C. de R. C. & l. pen. C. *Quemadm. teſtam. aper.* oſtendit, iam DIOCLETIANI & MAXIM. A. A. temporibus atque ſic longe ante iuriſprudentiam Iuſtinianeam iuramentum cal. in uſu fuiſſe.

## §. VII.

QVID SIT IVRAMENTVM CAL. ET QVARE ITA  
VOCETVR?

Ex iis, quae de origine & progressu iurisiurandi calumniae haecenus diximus, iam facili definiri poterit negotio, quid per illud intelligatur, scilicet illa religiosa litigatorum asseueratio, de lite non calumniandi animo doloue malo, sed iuris sui opinione & fiducia suscepta bonaque fide prosequenda. Facile quoque hinc reddi potest ratio, cur hoc iuramentum calumniae adpelletur, nempe, ut bene STRAVCHIVS *a)*, ad IOH. de ARNONO *b)*, ALBERICVM *c)* aliosque prouocans, explicat, propter calumniam non committendam, sed vitandam; quamquam vitio seculi hominumue potius, in illo viuentium, hoc saepius ita inerti, haud sine ratione iam dudum viri cordati conq̃tessi sunt *d)*, ut magis de calumnia committenda, quam omittenda, iuratum esse videatur, adeoque periuria periuriis, calumniae calumniis cumulentur *e)*. Sicuti autem talis calumnia non solum ab ipsis partibus litigantibus, sed etiam ab earum ministris metuenda est;

*a)* Diff. cit. §. IX.

*b)* in *Pract. iud.* n. 20.

*c)* in Rubr. C. de iurei. propter cal.

*d)* Vid. GAILIVS Lib. I. Obs. 85. n. 4. IOH. OLDENDORP *Frogyrnasim. forens.* class. I. art. 7. VENTVRA de VALENTIIS f. GE. VAL. WINTER in *Parthenio litigio* L. II. cap. 6. n. 19. OBRECHT

de *Iuram. cal.* cap. II. n. 22. MEV.

P. IV. D. 164. n. 9. CARPZ. P. I.

cap. 12. Def. 21. n. 5.

*e)* Vid. ZIEGLER, in *Rabulist.* cap. VIII. §. 8. seqq. & in not. ad LANCELOTTI I. I. C. L. III. Tit. XII. §. 6. not. 455. vbi BALDI & MARANTAE hac de requirimonias adducit.

est; ita sub litigatorum nomine non illas solum, actorem scilicet & reum, sed etiam hos, procuratores puta & aduocatos intelligi, tralatitium est. Nec minus ex definitione patet, non veritatis, aut scientiae hoc iuramentum esse, sed credulitatis & opinionis tantum, quae inter scientiam & nescientiam media esse censetur, neque adeo certis ac demonstratis, sed probabilibus nititur argumentis. Diserte hoc ait Imp. IUSTINIANVS: f) *Et licet verae causae natura alia forsitan est: tamen, quod quisque credit & existimat, hoc est iurandum.* Unde quoque inferunt interpretes, posse excusari a periurio, qui id tantum iurauerit, quod crediderit g). Quinque vero capita, ad quae iuratam istam in genere bonam fidem, ad mentem ordinationis cam. h), speciatim Dd. reducunt, in vulgus notis versibus rhythmicis comprehensa sunt, qui ita habent:

*Illud iuretur, quod lis sibi iusta videtur,  
Et si quaeretur, verum non inficietur,  
Nil promittetur, nec falsa probatio detur,  
Vt lis tardetur, dilatio nulla petetur.*

Paullo vero concinniora sunt disticha, quae CHRISTOPHORVS CRYSVS i), PATRITIUS & ICTUS olim apud HANNOVERANOS meritis suis insignis, & GE. VAL. WINTHERVS k) adferunt:

*Iuro, meam litem mihi fuliam iure videri,  
Nec celaturum, si qua rogatus ero:  
Nec promissurum, neque causae falsa leuandae  
Dicere, nec litem ducere velle meam.*

Ex

f) In l. 2. §. 1. C. de iurei. propter cal.

g) HUBER ad Tit. I. de poena temere litig. n. 2. PEREZ ad Tit. C. h. t. n. 2.

h) Part. I. Tit. 65.

i) in Tract. de indicis delictorum P. IV. cap. 23. §. 6.

k) in Partbenio litigioso L. II. cap. 6. n. 17-



Ex his omnibus cuique, iuramenta iudicialia secundum ordinem, quo in illis distinguendis *TITIVS l)*, *WERNHERVS m)* aliique *n)* vsi sunt, consideranti, perspicuum erit, iusiur. cal. quod ceteroquin partim assertorium, partim promissorium est, ad lites neque aestimandas, neque decidendas, sed promouendas, atque, vt *IUSTINIANVS, o)* qui illud pro maximo dirimendarum caussarum remedio *p)* habuit *q)*, eiusdem scopum exprimit, ad *contentiosam litigantium instantiam compescendam minuendosque calumniatores r)* pertinere.

### §. VIII.

#### DE DIVISIONE IVRAMENTI CAL. IN GENERALE ET SPECIALE.

Diuidi solet iuramentum calumniae in vniuersale & particulare *a)* f. generale & speciale *b)*. Illud, quod generis

• *l)* In iure priuato L. II. c. 25.

*m)* Part. IV. Obs. 151.

*n)* Vid. Consultiss. WINCKLER in Diff. de Abusu iuram. e rep. proscribendo Sect. II. §. 52.

*o)* in l. i. C. h. t.

*p)* Signile elogium generatim iuramentis tribuit Apostolus PAVLVS Ebr. VI. 16. & GAIVS ICTVS l. i. ff. de Iureiur. Et laudatur potissimum hoc nomine Rhadamantus apud PLATONEM de Leg. L. XII. quod simplici isto & veloci iudiciorum peragendorum remedio sit vsus. *Iure-*

*irando*, inquit, a partibus requisito, cito simul ac tuto indicabat.

*q)* l. 2. §. 8. C. de iurei. propter cal.

*r)* Dict. §. 8.

*a)* Vid. BERLICH. P. I. concl. 31. n. 1. PETR. MÜLLER ad STRUEN. Ex. 17. th. 72. not. v.

*b)* Minus frequens est diuisio iuramenti cal. in iudiciale & extra iudiciale, quam adfert WESSENBECIUS *Paratitl.* C. h. t. n. IV. Ea vero, quam GIPHANIUS in *Comment.* ad Tit. C. h. n. 2. tradit in iuramentum calumniae

neris nomen retinet, nostratibusque *der Eyd vor Gefaehr-* de vocatur, statim a lite contestata super tota causa ab utroque litigantium eorumque aduocatis praestatur, & ad omnes actus sequentes dirigitur. Hoc vero, quod plerumque iuramentum malitiae, in vernacula lingua *der Eyd der Bosheit*, vel etiam *der Eyd Bosheit Zu vermeiden* <sup>c)</sup> adpellatur, in qualibet iudicii parte, quoties suspicio malitiae sese exserit, locum habet, & pro re nata modo parti utrique, modo alterutri decreto iudicis iniungitur.

## §. IX.

## DE VTRIVSQUE VSV ET NON VSV STRICTIM.

Iam obseruatum est aliis <sup>a)</sup>, iuramentum calumniae generale originem suam debere Imperatori IVSTINIANO, quippe qui, sic fore, ut non lites solum <sup>b)</sup>, sed etiam calumniatores minuantur, & sic, pro iudiciis sese homines in sacrariis fisti, putent, pie persuasus, expresse sanxit <sup>c)</sup>, ut illud statim *in primordio litis* cum ab actore, non

ca-

vetus & nouum, iurisprudentiam anteiustinianeam & Iustinianeam tantum respicit, de quarum utraque iam dicere occupauimus.

<sup>c)</sup> Ut habet ordinatio Dicast. Poin. P. II. Tit. 16. in Rubr. §. II. quam laudat PETR. MASCOVIVS in diss. *de Iuramento cal.* Thes. VIII. & Reformatio Francos. P. I. Tit. 24. §. I. ad quam provocat supra laudatus FLOERKIVS Diss. cit. §. VIII. Idem nomen inter formulas iuramentorum in

ordinat. cancell. Calenb. N. IX. praescriptas T. II. *constit. prou. Br.* pag. 345. n. 12. occurrit.

<sup>a)</sup> Conf. omnino FRANTZ. ad Tit. D. de *Iureiur.* n. 58. seq. & Perill. BOEHMERVS in I. E. P. L. II. Tit. 7. §. I. seqq.

<sup>b)</sup> Ut ipse causas sanctionis suae impulsivas pluribus enarrat in cit. l. 2. §. 8. C. de *Iureiur. propter cal. dando.*

<sup>c)</sup> In principio legis modo citatae.

*calumniandi animo litem se mouisse, sed existimando bonam causam habere, tum a reo, quod putans, se bona instantia d) vii, ad reluctandum peruenieris, iuratur, tum etiam ab vtriusque partis aduocatis, iam per constitutionem praecedentem e) ad eius praestationem obligatis, debeat praestari. Quamuis enim hic de abolendo penitus calumniae s. malitiae iuramento speciali olim vſitato, cui ipse quoque certis in casibus locum fecit f), nihil diserte disposuerit; hanc tamen iam tum eius mentem fuisse, ex sanctionibus deinde secutis & ratione introducti a se iuramenti calumniae generalis, in illis clarius indicata, colligere licet, ne scilicet saepius iuretur in causa, ne crebro cogatur quisquam sacramentum subire, cum in initio iuret, nihil se calumniose in toto negotio exigere, g) Quam vero Imperator hoc modo impedire voluerat frequentiam iuramentorum, reuocauit deinde Pontifex R. Bonifacius VIII.*

d) I. e. vt THEOD. MARCIVS & VLR. HVBERVS ad §. 1. I. de poena temere litig. obseruant, vera inficiatione, s. iusta contradictione, more loquendi Graecis vſitato, qui depulsionem, aut inficiationem oppositam intentioni ἔνστασις, i. e. instantiam, vocarunt.

e) in l. 14. §. 1. C. de Indic. secundum quam iurare debent patroni caussarum, se omni quidem virtute sua omnique ope, quod verum & iustum existimauerint, clientibus suis inferre procuraturos, nihil studii relinquentes, quod sibi pſſibile est, non autem scientes pruden-

tesque mala conscientia liti patrocinaturos, quin potius, si certamine procedente aliquid improbi, falsi fictiue sibi cognitum fuerit, a causa recessuros & sese ab huiusmodi communionem penitus separatos esse.

f) Vid. Nou. 73. c. 7. l. fin. C. de fideicommiss. & conf. quae ex Nou. LEONIS 99. pro tñenda iuramenti cal. specialis auctoritate arguit Ill. FLOERKE diff. cit. §. VIII.

g) Vid. Nou. 49. c. 3. & inde sumpta Auth. Hoc sacramentum, iuncta Auth. In isto, C. de iurei. propter cal.

VIII. dum edixit: *h*) *In omnibus autem causis nedum ante, sed etiam postquam lis fuerit contestata, siue de veritate, siue de calumnia sit iuratum in ipsis: potest iudex a partibus exigere iuramentum malitiae, quoties viderit expedire.* Quae iuris pontificii constitutio ipsis legibus imperii *i*) deinde comprobata, in foris Protestantium fere vbique adhuc obtinet *k*), quamvis iusiur. cal. generale non solum in Saxonia *l*), sed etiam in plerisque iudiciis aliis exoleuerit *m*), qua de re passim queri audias viros cordatos, illud in usum reduci optantes *n*).

## §. X.

## DE ARBITRIO IUDICIS CIRCA VTRVMQVE.

Nolumus hic repetere, quae de usu vel abusu vtriusque iuramenti calumniae iam alibi *a*) dicta sunt, neque

*h*) C. 2. de iuram. cal. in 6.

*i*) Vid. Ord. cam. P. I. Tit. 65. & 74. vbi formulae iuramenti cal. & malitiae extant, & conf. R. I. de anno 1654. §. 43.

*k*) Vid. GISEBERTVS *pericul. Statutor.* Art. XIV. n. II. & conf. P. MYLLER ad STRVVI Ex. 17. th. 71. n. a.

*l*) Vid. CARPZ. P. I. C. 12. Def. 218. L. III. Resp 54. & in Proc. Tit. 12. Art. I. n. 7.

*m*) Vid. PEREZ ad Tit. C. de Iurci. propter cal. GYDELINVS de iure noniss. L. IV. c. 8. WESENE. in *Parat. de iurci.* n. 9. CHRISTIANAEVS Vol. II. Dec. 147. HILLI-

GER. ad DONELLVM L. XXV. c. 3. Quid in his terris usu veniat, sollicitè exposuit B. PFENDORFF, *Introd. in process. ciu. Electoratus Brunsvico-Luneb.* P. III. c. 23. §. III. seqq. De ducatu Magd. vid. *Neuverbesserte Proc. Ordn.* P. II. c. 7. ap. MYLIUM.

*n*) Vid. praeter GODENVM in *Pract. iur.* Tit. de L. C. n. II. seqq. & MATTH. COLERI *Decis.* 117. DIOD. TVLDENVVS Lib. IV. de *causs. corrupt. iud.* c. 14. B. DN. de GOEBEL in *diff. de orig. usu & abusu iuram.* c. 2. §. 6. & ab eo laudatus KETTLER cit. *decis.* 42. n. 40. seq.

*a*) Vid. *diff. de abusu iuram.*

que varias eiusdem species perlustrabimus, *b*) illud tantum notantes, sicuti iudicis prudentiae, in diuinanda, ita eius arbitrio in eiuranda calumnia plurimum esse relinquendum, atque adeo ab eiusdem cognitione ac decisione pendere, an & quando vel alterutri, vel vtrique locus sit. Neque enim solum generale, sed etiam speciale iuramentum calumniae, utpote vtrumque legale, a iudice, licet a partibus petitum, ex iustis causis posse remitti, & partibus licet remittentibus, pro re nata posse ex officio iniungi, nulli prorsus dubitamus *c*).

§. XL

*a rep. proscribendo* Sect. II. §. 55. ibique laudatus ILVSTRISS. COMES LINARIAE in Diss. cit. cap. I. §. 8. seqq.

*b*) Fecit hoc ex instituto IOH. WILH. WAGNER in diss. *de iuram. cal.* thes. 13. seqq. ubi de iuramento appellationis, reuisionis, restitutionis in integr. agit. Neque iuramenta dandorum & respondendorum aliud esse, quam iuramenta cal. constat. Vid. Diss. cit. l. c. §. 56. & LYNCKER in Comment. ad ius ciu. h. t. n. 60.

*c*) Vult hoc expresse Recessus Imp. nouissimi §. 43. paulo ante citatus, vicuius iuramentum cal. praestandum, *wenn es entweder die Partbey begehrt und der Richter es darauf erkennt, oder auch von selbst, in welcherley Theil des Gerichts, von Amtes vuer-*

*gen auferlegt.* Consona est ordinatio summi prouocationum Tribunalis Cellens. P. II. Tit. 7. §. 2. seqq. itemque Regii Tribunalis Wilmar. P. II. Tit. 16. §. V. apud MEV. P. VI. D. 138. Secus sentientes, quorum magnam cohortem adduxit I. SAM. STRYCK. refutauit idem solidissimis argumentis, diss. *de remiss. iuram. cal.* c. III. per tot. Ex instituto quoque hunc locum tractauit BERNH. LVD. MOLLENBECIUS in diss. *de arbitrio ac potestate iudicis circa iuramenta* cap. 2. Conf. CAKPZ. de *processu* Tit. XII. Art. I. n. 13. LYNCKER Resp. 189. in fine & Resol. 546. ZAVNSCHLIFER de *offic. iud. suppletor.* P. II. concl. 17. Add. BLVM, *Proc. cam.* Tit. 72. n. 3. VFFENBACH de *Iud. imp. aul.* cap. X. Sect. II. Subf. H. & Perill. BOEHMER l. c. §. 8. & 9.

D

## §. XI.

DE EXCEPTIONIBVS A REGVLA HIC OBSERVANDA  
REMISSIVE.

Neque vero longum hic personarum recensum instituemus, quibus vel ob dignitatem *a)* singularemue eis debitam reuerentiam *b)* iuramentum calumniae per ipsas leges remittitur, vel ob aetatis rationem *c)*, iudicii imbecillitatem defectumue animi *e)*, etiamsi illud praestare velint, nequidem permittitur. Nullus enim fere est scriptorum huius argumenti, quin, postquam regulam de iuramento calumniae tum a partibus, ut vocantur, principalibus, tum a minus principalibus, procuratoribus puta & aduocatis, praestando explicasset, simul exceptiones subiunxerit, quae hos illosue ab eo vel eximunt, vel plane repellunt. *e)*

## §. XII.

TRANSITVS AD ARGVMENTVM DE NECESSITATE  
OFFICII, QVAE DEFINITVR.

Illam vero quaestionem, quamuis non noua, neque insolita, sed a priscis aequae, ac recentioribus Iuris, in vtramque

*a)* v. g. principibus imp. eorum-  
que consiliariis per R. I. nouiss. §.  
43.

*b)* Referuntur huc praecipue  
parentes & patroni per l. 8: §. 5. ff.  
Qui satisd. cog. l. 16. in fine ff.  
de iureiur. l. 7. §. 3. seqq. de ob-  
sequ. parent. item dominus feudi  
& Vassallus II. Feud. 33.

*c)* v. g. infantibus, & impu-  
beribus.

*d)* v. g. furiosis, mente ca-  
ptis.

*e)* Vid. STRAVCHIVS diff. cit.  
§. 27. seq. MOLLENBEC. diff. cit.  
cap. II. §. 4. STRYCK diff. cit.  
cap. 2. n. 28. seqq. FLOERCKE  
diff. cit. §. XII.

que partem disputata sit, nondum satis excussam deprehendimus, vtrum ii, qui non sponte sua, sed ex officii necessitate litigant, ab eiusdem praestatione sint immunes, nec ne? Quare, operae pretium nos facturos esse, existimauimus, si argumenta vtriusque allata paulo curatius & aequa lance expenderemus. Id dum nunc agere adgredimur, ante omnia generatim nobis explicandum est, quid per officii necessitatem intelligamus, quo deinde per species eundo facilius determinare possimus, quid in vnaquaque iuris esse videatur. Scilicet eo nomine illud obligationis vinculum nobis venit, quo quis officii sui rationem habiturus necessario litigare tenetur.

## §. XIII.

DE NECESSITATE OFFICII, QVAE IUDICIBVS INCUMBIT, NON SERMONEM ESSE, OSTENDITVR.

Quum igitur vnice hic sermo sit de litigatoribus, facile patet, nihil nobis rei esse cum iudicibus, quippe qui non litigant, sed litem sententia sua definiunt, & se non nisi ex lege & animi sententia iudicatueros ac suum cuique iuste tributuros esse, semel tantum ab initio suscepti officii hodie jurare solent, quantumvis, ab ipsis etiam omnium maxime calumniam abesse debere, haud abnuamus, neque hinc refragemur IOH. SAM. STRYKIO a), illud etiam iuramentum iudiciale b) iuramentum calumniae cum SETSERO c) vocare neutiquam dubitanti, quod

a) Diff. cit. cap. I. n. 61. seqq. Diff. de *abuso iuram.* Sect. II. §.

8.

b) De quo fusius dictum in c) de *Iuram.* L. III. c. 3. n. 2.

quod olim omnibus iudicibus non solum sub muneris sui ingressum, sed etiam in omnibus causis, quas dirimendas suscipiebant, incumbere, utpote non aliter *litium primordium & iudicalem calculum accipientibus, nisi prius sacramentum praestitissent, omni modo sese cum veritate & legum observatione iudicium esse disposituros, ut verbis IUSTINIANI d)* utamur, qui pie simul officii sui admonet iudices, & rationem reddit ritus, a se in illa ipsa constitutione saluberrima laudabiliter praescripti, secundum quem ante sedem iudicalem *sacrosanctas scripturas* deponi oportebat & percurrere non solum in principio litis, sed etiam in omnibus cognitionibus usque ad ipsum terminum & definitivae sententiae recitationem. Sic etenim, ait, attendentes ad *Sacrosanctas scripturas & Dei praesentia consecrati, ex maiore praesidio lites diriment, scituri, quod non magis alios iudicant, quam ipsi iudicantur; cum etiam ipsis magis, quam partibus, terribile iudicium est; siquidem litigatores sub hominibus, ipsi autem, Deo inspectore adhibito, causas proferunt trutinandas. Quod Christiano Imperatore dignum & sacris divinae revelationis e)* oraculis plane consentaneum monitum, & ab ipsis quoque gentilibus, *f)* solum rationis lumen sequentibus, adprobatur, si semper ante oculos haberent iudices pariter, atque caussidici, nunquam de illorum iniquitate horumue calumnia foret causa conquerendi.

§. XIII.

d) In l. 14. C. de iud.

e) Vid. *Paralipom.* II. cap. 19. v. 6.

f) Salubriter inter ceteros Ethnicos scriptores, quos DIONYSIUS GOTHOFREDVS in not. ad celeberrimam IUSTINIANI CON-

stitutionem hanc in rem laudat, ac plane ei congruenter *SENECA* Ep. 10. praecipit: *Sic vive cum hominibus, tanquam Deus videat; sic loquere cum Deo; tanquam homines audiant.*



## §. XIII.

NEQUE ADVOCATORVM ET PROCVRATORVM OFFI-  
CIUM HIC INTELLIGI, INDICATVR.

Quum praeterea ex antea dictis iam constet, aduoca-  
tos & procuratores aequae, ac partes litigantes ipsas, ad  
praestandum iuramentum calumniae teneri, haud diffi-  
cili negotio erit ad intelligendum, illorum officium hio-  
plane non in censum venire. Non desunt quidem, qui  
leges supra relatas aliter prorsus interpretentur, atque, ad-  
vocatibus ob ipsum officium suum eiusdem praestationem  
tacite remissam esse, censeant, *a*) non solum ad usum  
fori contrarium, BARTOLI aetate vsitatum, sed etiam ad  
consuetudines longe recentiores, in nonnullis locis re-  
ceptas, prouocantes, *b*) secundum quas causarum pa-  
troni, qui ab initio suscepti muneris de illo rite admini-  
strando semel iurarunt, postea non amplius adiura-  
mentum calumniae sint obligati. Verum enim vero  
quod ad legum adductarum interpretationem attinet,  
praeter ea, quae iam STRYKIVS *c*) contra illam recte mo-  
nuit, ipse Imperator IVSTINIANVS, seu optimus & men-  
tis & verborum suorum interpretes, se in illis non solum  
partibus, sed etiam earundem aduocatis iusiurandum  
calumniae iniunxisse, alibi *d*) haud obscure ostendit:  
Consuetudines vero nonnullas contrarias quod spectat,  
illas

*a*) Vid. OBRECHT de iur. cal.  
c. VI. n. 37. seqq.

*b*) Vid. VINNIUS in Comment.  
ad §. 1. I. de poena temere litigant.  
n. 4. ibique cit. GYDELINVS de  
iure nouiss. L. IV. c. 8. n. 22. PE-  
RE ad Tit. C. de iureiur. propter

cal. n. 5. MERULA L. IV. Diff. 4.  
Sect. III. Tit. 8. c. 3. seqq.

*c*) Diff. cit. cap. III. n. 59.  
seqq.

*d*) §. 1. I. de poena temere li-  
tig.

D 3

illas magno reip. malo introductas esse, ipse PEREZIVS, a quo commemorantur, haud diffitetur. Sicuti enim non raro immemores sunt homines officii sui; quantumvis iurata de omnibus illius partibus rite explendis fidem dederint; ita quoque saepissime aduocati eiusdem obliuiscuntur. Quare ne conscientiam suam magis magisque vulnerent, optimò consilio iuramenti, quod ab initio, cum in numerum aduocatorum reciperentur, praestiterunt, memoriam per iusiurandum calumniae, quippe quod eodem fere recidit, e) in singulis causis repetitum, renouari, f) cum BRUNNEMANNO g) STRYKIVS h) monet. Deinde, quod inprimis hic considerandum venit, aduocatorum officium non ita comparatum est, ut illis necessitatem imponat in omnibus causis & cuicunque parti, iuste, an iniuste, litiganti, patrociniandi, quin potius integrum ipsis est patrocinium, quotiescunque de iniustitia causae sunt persuasi, statim repudiare alterique non deficienti & forte laxiori conscientia

e) Hanc inter iuramentum cal. & iusiurandum aduocatorum conuenientiam speciatim de formula iurandi, qua Lipsienses Aduocati in iudicio mercatorio solent obstringi, Ill. GEBAVERVS adnotauit in *Paratitl.* ad HUBERI *praefect.* §. I. I. de poena temere litig. Eandem quoque similitudinem deprehendere licet in formulis iuramentorum, quae in his terris Aduocatis & procuratoribus praescriptae sunt. Vid. *Constit. prou.* T. II. pag. 58. 338. & 395.

f) Eodem quoque tendit mos, alicubi receptus, quo statim temporibus Aduocati quotannis sacramentum officii repetere tenentur, prouti de usu Hollandiae VOETIVS, VINNIUS, HUBERVS ad §. I. I. de poena tem. litig. aliique ICI Belgae passim in scriptis suis, & de Praxi Norimbergensi STRYKIVS in *Diff. de Conscientia Aduocati* Cap. IV. n. 5. testatur.

g) in *Processu ciu.* cap. XV. n. 9.

h) l. c. cap. I. n. 54. seqq.

entia praedito relinquere. Quale repudium sane semper dare deberent iniustis litigatoribus caussarum patroni omnes, si boni viri nomen tueri vellent, praescripta legum *i*) ante oculos haberent, ac probe secum perpenderent, longe consultius esse paucas lites bene agere, quam multas male defendere & in infinitum protrahere. *k*) Quodsi vero quis petentibus aduocationem, quam recusare poterat, pro pane lucrando, praebere haud dubitet, non magis ipsum praetextus necessitatis officii a praestatione iuramenti calumniae liberare poterit, quam excusat eum, qui exheredatus alteri, legatum ex testamento petenti, sponte nulloque iure cogente patrociniū praestat, eoque ipso iudiciū defuncti agnouisse ac querelae inofficiosi testamenti renunciasse censetur. *l*) Quare neque iis in iudiciis, vbi iuramentum cal. generale abrogatum est, se a iuramento malitiae sui officii obtentu possunt excusare, *m*) quin potius eo magis ad illud adstringuntur tales litium administri, quo verius est MATTH. WESENBECH effectum

*i*) Iniungi hoc illis solet in plerisque ordinationibus processus, prout factum est in Ordinaturiae prou. Calenb. Tit. VII. vbi legi 14. C. de iudiciis expresse fau-  
tribuitur iuror.

*k*) Offert se hoc consilium intuenti speculum de Offic. Aduocat. n. 14. quod laudatur in *Parthenio litig.* L. II. c. 7. n. 17. Pertinet huc illud OVIDII I. Trist. Eleg. I. v. 26. *Causa patrocini non bona peior erit.*

*l*) per l. 8. §. 10. LIO §. 1. l. 12. & vlt. ff. & l. 8. §. 1. C. de inoff. testam.

*m*) Singularē tamen eiusmodi exemptionē tam a generali, quam speciali iuramento cal. in Aduocatis ordinariis curiae provinc. Ienens. adnotat Ill. FLOERCKE Diss. cit. §. XI. illisque eo solum casu, quando nondum iurati sunt, iuramentum malitiae deferri posse, scribit.

tum n), melius aduocatos & procuratores nosse calumniari, quam partes, & nisi hoc modo coerceantur, ne omnium, pessimarum etiam causarum, patrocinium temere suscipiant, verendum esse o). Ne tamen praeter necessitatem & citra fundatam calumniae suspicionem illud deferatur, prudens iudex diligenter cauere, atque hinc causas delati iuramenti debet examinare. p)

### §. XV.

QVAENAM OFFICII NECESSITAS HIC INTELLIGATUR.  
DOCETVR, ET RATIONES EXCVSATIONIS A IURAMENTO CAL. INDE ADDVCVNTVR.

Nulla itaque necessitas officii alia hoc loco intelligi potest, quam ea, quae incumbit legitimis alienarum rerum administratoribus, non tam suum, quam aliorum commodum procurantibus. Hi certe primo intuitu a iuramento calumniae exempti esse eo magis videri poterant, quo minus calumniose s. malitiose agere praesumitur, qui non sponte sua, sed necessitate coactus alteri, vel litem intendendo, vel excipiendo, negotium facessit. Vnde axiomata nata sunt: *Calumniari is non praesumitur, quem officii necessitas excusat*; a) *Necessitas agendi, ut*

a

n) Parat. ad Tit. C. de iur. propter cal n. 6.

o) Conf. quoque WINTHERVM in Parthenio litig. L. ll. c. 7. n. 9. ibique laudatos.

p) Prouido hinc, consilio eiusdem arbitrio hoc quoque in his terris relictum est. Vid. D. ER-

NESTI AVGVSTI Verordnung, in welchen Faellen die Aduocaten den ihnen abgeforderten Eyd fuer Gesaebrde zu praestiren schuldig de ao. 1691. T. ll. Consist. pron. Brunsvico-Luneb. pag. 570.

a) Vid. BARBOSA L. III. C. V. Ax. 2.

*a praesumptione calumniae, sic & a calumnia excusatur, b)* & quae sunt id generis alia. Militare potius pro eo secundum commune illud brocardicon, dixeris, praesumptionem boni viri, donec contrarium probetur, Quae sane tanto fortior esse debet pro quolibet, qui, antequam ad officii suscepti administrationem admitteretur, de probitate ac dexteritate sua iurato fidem fecit. Quam ob rem etiam haud insolitum est iuramentum testimonii eiusmodi officialibus remittere eosque solum, ubi testimonium perhibere debent, iurisiurandi admonere, quod vi officii sui olim praestiterunt. c)

## §. XVI.

### RESPONSIO AD RATIONES ALLATAS.

Sed quantumvis speciose haec omnia dicantur pro iis, qui ex officii necessitate agunt excipiuntur; si tamen paullo penitus inspicias, non adeo firmo illa stare talo, deprehendes. Primo enim illa praesumptio bonitatis neutiquam de genere earum est, quae non admittunt probationem contrarii atque hinc praesumptiones iuris & de iure vocari solent; quin potius malitiam praesumi in plurimis causis ipsae leges iubent, a) cui remedio quodam interiori fortiorque occurrere eo magis necessarium duxerunt legumlatores, quo difficilius est de occultis iudicium & quo frequentius homines nequissimi optimam faciem induunt aliosque sic sub specie pietatis ac

---

b) Vid. MEY. P. III. D. 191. n. III. c. 9. n. 27.  
 6. & P. VI. D. 138. n. 3.      a) Vid. LUDOVICI Diss. de  
 c) Vid. SETSER de iuram. L. praesumpt. bonit. §. 29. seqq.

ac probitatis circumueniunt. Nec minus, ut vere ait MEIVS, *b)* qui alienam causam agunt, friuolas lites mouere & temeritati studere queunt, quam qui propriam, hinc utique rationis similitudo aequum facit, ut idem obseruetur. Deinde iam supra monitum est, homines saepe saepius, ut officii sui, ita etiam sanctissimae promissionis obliuisci, sub qua illud susceperunt, atque hinc satis causae subesse, cur illa subinde ipsis in memoriam reuocetur. Denique iuramentum calumniae, speciale praesertim, plane diuersum est ab eo, quod in officio publico constituti, antequam eiusdem functiones obire possint, tenentur praestare; quoniam hoc generatim ad dexteritatem fidelitatemque, in muneris suscepti administratione adhibendam, tendit, atque semel tantum praestatur, illud autem ad apparentia malitiae indicia dirigitur & circumstantiis rei, de qua suspicio est, accommodatur, adeoque in qualibet iudicii parte exigere & reiterari potest ac debet. Neque argumentum valet, quod a remissione iuramenti testium obmouetur, quum hoc quidem per modum conuentionis a partibus, quarum vnice hic interest, possit remitti, *c)* iuramentum calumniae e contrario non solum utilitatem & securitatem partis aduersae, ne lis in infinitum protrahatur, sed etiam salutem publicam ipsamque iudicis tum auctoritatem, tum commoditatem spectet, ne scilicet frustra defatigetur litesque praeter necessitatem multiplicentur, quam rationem differentiae ex ALEXANDRO. *d)* GAILLIVS. *e)* & ex hoc STRAVCHIVS *f)* adduxit.

## §. XVII.

*b)* Part. VI. Decif. 412. n. 2.

*c)* Vid. MYSINGER Cent. IX. Obf. 31.

*d)* In l. i. n. 18. ff. de fer.

*e)* L. I. Obf. 101. n. 4.

*f)* Diss. cit. §. 33.

## §. XVII.

REGVLA GENERALIS DE IVREIVR. CAL. AB OMNIBVS  
PRAESTANDO PRAEMITTITVR.

Standum igitur regulae, quam leges hic nobis suppe-  
ditant, neque aliis exceptionibus locus dandus est, quam  
quas ipsae faciunt. Iam vero lex illa cardinalis 2. *C. de  
iurei. propter calumn. dando*, non solum generaliter sancit,  
*in omnibus litibus, non aliter neque actorem, neque fugien-*  
*tem in primordio litis exercere certamina, nisi post narrationem*  
*& responsonem, antequam utriusque partis advocati sacra-*  
*mentum legitimum praestent, & ipsae principales personae*  
*subeant iusiurandum*; sed etiam deinde, ne vllum dubium  
intuitu personarum, quas officii necessitas excusare vi-  
deri poterat a iuramento calumniae, superesset, expresse id  
praestari iubet quoque *a personis, quae administrationem alie-*  
*narum rerum auctoritate legitima gerunt*, addita hac prae-  
gnantiatione, *quia ipsae causam scientes, ita ad eam perue-*  
*niunt, & ex animi sui scientia iurare debent*. Neque Pon-  
tifex R. in textu supra allato eiusmodi personas excipit,  
neque in R. I. nouissimo talis exceptio reperitur, sed in  
vtraque lege sine discrimine iusiurandum cal. tam par-  
tibus ipsis, quam earum advocatis & procuratoribus,  
iniungitur.

## §. XVIII.

TRANSITVR AD PERSONAS EX OFFICII NECESSITATE  
LITIGANTES, ET AGITVR I. DE CLERICIS.

Iam sigillatim lustrantibus personas, quae ex officii  
necessitate litigant, primo loco nobis Clerici occurrunt.  
Hos quidem, quamuis olim, vt etiam hac parte Lai-

cis praeferrentur, ab omni iuramento immunes fuerint a), in causis propriis de calumnia iurare tam stricte iussit ipse Pontifex b), vt simul prohiberet, ne consuetudo legi contraria hic attendatur. An vero tunc etiam iuramentum calumniae ab illis exigi queat, quando causa non ipsos, sed ecclesiam, vel praedia & redditus ecclesiasticos tangit, ideo dubium videri possit, quia sic non motu proprio, sed necessitate, quam ipsis muneris ratio imponit, coacti agunt, adeoque praesumptio, generatim alias ob pietatis & religionis professionem pro Clero militans, hoc casu eo magis locum occupat, quo longius a suspitione falsitatis vel malitiae abesse censendi sunt. Accedit, quod olim in causis spiritualibus & spiritualitati, vt vulgo loquuntur, annexis, vbi de ecclesiis, decimis & similibus rebus quaestio est, iure can. calumniae

a) Vid. l. 25. §. 1. C. de Episc. & Cler. Nou. 123. cap. 7. & c. 1. X. de iur. cal. Conf. Perill. BOEHMER. I. E. P. L. I. Tit. 12. §. 21. Add. Gundlingiana P. III. N. 1. von dem Eydsebrun der Geistlichen, vbi erudita & amoena est disquisitio de origine huius immunitatis clericalis, quam nonnulli a Flamine Diali & Sacerdote Vestali repetunt, quos nunquam iurare coactos fuisse, ex LIVIO L. XXXI. cap. ult. GELLIO. Noct. Att. L. X. cap. 15. aliisque veteribus auctoribus. CUIACIUS ad Tit. X. de iuram. cal. cap. I. refert, siue, vt PLUTARCHVS in Problem. cap. 43. huius rei ratio-

nes subducit, quod gehenna sit & poena liberis iusiurandum, oportet enim Flaminem sacerdotem a tormentis, qua corpus, qua animus immunem esse, siue quod haud conueniat ei, cui sacra, id est, maxima credimus, in minimis fidei non adhibere: siue quod omnis iusiurandi execratio periurii finis sit, aut exitus, at haec funesta & exitiosa - - aut quia periurii discrimen omnibus commune futurum esset, si nefario & periuro supplicationum sacrorumque verbis cura committeretur.

b) Cap. 5. & 7. X. de iuram. cal.



mniae iuramentum plane non habuerit locum, c) eam quidem ipsam ob causam, quod in illis Dei & ecclesiae vnice ratio habeatur, cuius intuitu nemo calumniari videtur. d) Verum enim vero etiam homines esse Clericos, nec minus, ac Laicos, affectibus regi, antiqua est obseruatio. Hinc illorum testimonio iniurato non magis, quam horum verbis, creditur, sed dudum vtrorumque conditio intuitu praestandorum iuramentorum fuit equiparata. e) Quid? quod ipse Pontifex LVCIVS III. ad decernendum Clericis etiam iuramentum calumniae crescentibus ipsorum malitiis & neglectu veteris disciplinae, iuxta quam olim omnes adeo Christiani plane non iurabant, motum se fuisse, haud obscure innuit, dum hanc constitutioni suae rationem praemittit: *quia nouis morbis noua conuenit antidota praeparari.* f) Dispositionem vero HONORI II. P. R. secundum quam in causis spiritualibus

c) Vid. c. 2. X. de iuram. cal. & conf. BERLICH. P. I. Concl. 31. n. 29.

d) Vid. ZIEGL. ad LANCELOTTI I. I. C. L. III. Tit. 12. §. 3. not. 447. ibique laudatus IOH. BAPT. VIVIANVS ad c. 2. X. h.

e) Conferri hic merentur dissertationes binae, quarum altera de praesumptione pro Clero, proxi in Diurnis literariis Gotttingensibus anni 1741. N. 62. va reum in Academia Iulia gestarum peritissuno viro fuit obseruatum,

non tam IOH. GVIL. ENGELBRECHTVM, cuius tamen solius nomen noua eiusdem editio, quae isto anno prodiit, praefert, quam potius IOH. CHRISTIANVM WINTERVM, cui ille anno 1714. praesidium commodauerat, auctorem habet, altera de praesumptione contra Clerum POLYCARPI LEYSERI opus est. Adi quoque, si lubet, III. FLOERCKII obseruationes sel. ad SCHILTERI I. I. C. L. I. Tit. V. §. 17. ibique laudatos.

f) Conf. Gundlingiana l. cit. §. VI. E 3

bus iuramentum calumniae nulli prorsus indici debebat g), deinde mutavit BONIFACIUS VIII. h), ita sanciens: *Quamvis in causis spiritualibus, (in quibus debet de veritate dicenda iurari) canones non indicant alicui cal. iuramentum; nos tamen (quia frequenter calumniari videmus in ipsis) utile reputamus, quod simul (sicut plerique observant) tam de veritate dicenda, quam de calumnia (ut via praecludatur calumniis) iurari debeat in iisdem.* Quod si igitur ipsi praelati ecclesiarum & oeconomi de calumnia iurare debeant; i) parochus, qui vel propter praedia parochialia, vel propter redditus suos litigat, vel etiam pro locupletando aerario ecclesiastico laborat, vel antiqua ecclesiae nomina exigit, quae debitor dudum expuncta esse ait, vel his similia agit, si suspicio fraudis, aut malitiae se exferat, sub solo muneris sui velamento vix poterit sese praestatione iuramenti calumniae liberare, quum ratio eius, ut recte MEVIVS k) in simili monet, non ad titulum vel qualitatem alicuius, sed ad agentium intentionem pertineat; utrobique autem, & in causa propria, & in causa ecclesiae, calumniandi animus possit subesse. Quare totam hanc distinctionem ZIEGLERVS, l) cuius vestigia quoque

HENR.

g) Vid. cit. c. 2. X. de iuram. cal.

h) Cap. I. §. fin. de iuram. cal. in 6. conf. GONTALEZ ad illud n. 13. DEL RE in Tr. de iuram. cal. cap. XIX. n. 37. seq. SCIACCIA de iudic. L. II. c. I. n. 148. BRUNNEM. iur. eccles. L. III. Cap. V. §. 14. IAC. AYRER in Proc. iur. P. I. cap. XI. Ohf. 2. n. 19. & qui eum sequitur, IAC.

SCHVLTES P. I. Qu. 15. n. 16. Add. LUDOVICI Consistorial-Procefs cap. XV. §. II.

i) Conf. BRUNNEM. l. c. ibique laudatus SICHARDVS ad L. 2. §. 2. d. c. 2. X. de iuram. cal.

k) P. VI. Decif. 412.

l) in not. ad LANCELOTTI Inst. iur. can. L. III. Tit. 12. §. 2. not. 444.

HENR. LINKIUS *m*) secutus est, merito reiecit, veramque simul in causam inquisiuit, cur inconsultis praelatis hoc iuramentum ex dispositione HONORII, Pontificis, *n*) non debuerit praestari. *o*) Neque conditioni Clericorum, aut existimationi quidquam inde detrahitur. *Si enim*, sunt verba STRYKIT, *p*) *bonam causam fouent, citra ullum incommodum sacramentum hoc subire possunt; si sciunt, se, contra conscientiam, aliis iniquum iudicium obtrudere, iure malis obuiam itur.*

### §. XVIII.

#### II. DE TUTORIBVS ET CVRATORIBVS.

Inter ordinis secularis homines, quos subinde officii sui ratio litigare cogit, primum nobis sese offerunt tutores & curatores. De his iam dudum Imperator ALEXANDER A. Paconio hunc in modum rescripserat: *a*) *Non est ignotum, tutores vel curatores adolescentum, si nomine pupillorum vel adultorum scientes calumniosas instituunt actiones, eo nomine condemnari oportere: ne sub praetextu nominis eorum propter suas similitudines secure lites suas exercere posse existiment.* Non igitur mirum est, in compescenda litigandi temeritate occupatum IVSTINIANVM *b*) eorum expresse mentionem iniecisse. Fecit hoc, dum illos de calumnia iurare

*m*) in Commentar. ad Tit. X. de iuram. cal. §. 2.

*n*) cit. cap. I. X. de iur. cal.

*o*) Compara hic, si lubet, Ill. VVENDORFFII observationem 179. apprine huc facientem.

*a*) in l. 6. C. de administrat. tut. conf. l. 2. C. Th. de Calumniatoribus ibique IAC. GOTHOFREDVS.

*b*) in Aush. principales §. f. C. de iureiur. propter cal. conf. Non. 124. c. 2.

*p*) Diss. cit. cap. II. n. 88.

rare iussit his verbis: *Tutores & curatores in causis, quas agunt, praedictum iuramentum praestabunt.* Cuius legis rationem deinde c) sic explicat Imperator: *Conuenit enim & ipsos iureiurando affici: quia ipsi causam scientes, ita ad eam perueniunt. Neque enim pupillus, neque adultus, sed ipsi, qui pro eis tutelam, vel curam gerunt, scire possunt causam & ita ad iudicium peruenire: eo quod ex animi sui scientia iurent.* Apparet ex his, inter pupillos & minores ideo nullum discrimen statuisse legislatorem, quia parum in utroque causae ignorantiam posuit. Quod si igitur illius rei, quae in controuersiam deducitur, aliquam habere queant notitiam, illos ipsos ad iuramentum calumniae admitti posse, eo minus dubitandum est, quo magis constat, minores alias etiam ad iurandum habiles esse, immo iuramentum, ut interpretes axiomatice loqui amant, ex minore facere maiorem. d) Haud immerito itaque ab OBRECHTO e) dissentit STRYKIVS, f) ideo minores XXV. annis a iuramento cal. arcente, quia per se non possint litem instituere, nec actus iudiciales exercere. Quae tamen ratio facile labefactari potest exemplo feminarum, quae, licet alicubi sine curatore in iudicio comparere nequeant, nihilo tamen minus ad praestandum iuramentum cal. adiguntur. Longius ad huc procedit SETSERVS, g) pupillos adeo doli capaces, si personam standi in iudicio pro natura causae habeant, ad hoc iuramentum admittens. Ceterum de usu iuris ciuilibis, hac de re disponentis, hodierno eique consonis iuri-

c) l. 2. §. 2. C. de iurci. propter tutelam & curationum Cap. 33. n. cal. 593. seqq.

e) De iuram. cal. c. V. n. 12.

d) Vid. BARBOSA *Thes. loc. com.* L. II. cap. 41. axiomat. q. & f) Diff. cit. cap. II. n. 99. seq.

conf. PAUL. MONTANVS de iure 34. seqq. g) de iuram. L. III. c. III. n.

iuribus statutariis passim scriptores testantur. *b)* Neque attinet hic immorari principiis iuris Germ. secundum quae differentiam inter pupillos & minores pariter, atque inter tutores & curatores, exulare constat. *i)*

§. XX.

III. DE ALIIS ALIENARVM RERVM ADMINISTRATORIBVS, CVRATORIBVS BONOR. ET NEGOTIORVM GESTORIBVS.

Deinde simili ratione secundum allatam IVSTINIANI constitutionem & alii legitimi alienarum rerum administratores ad idem iuramentum tenentur. Qualis cum etiam sit pater intuitu peculii aduentitii, atque de illo & iure agat, & excipiat, haud dubie quoque in hac officii qualitate de calumnia iurare debet. *a)* Neque curatores bonorum, vel absentibus, vel in concursu creditorum constituti, se ab eo liberabunt. Multo minus vero negotiorum gestoribus, quos solum humanitatis officium ad res alienas gerendas impellit, huius iuramenti gratia facienda fuerit, si res ita ferat.

§. XX.

IV. DE OECONOMIS ET SYNDICIS.

Neque vero quidquam interest, pergat IVSTINIANVS *a)*, siue pro una persona quis litem mouere voluerit, siue pro aliquo

*b)* Vid. KETTLER Decif. 42. n. 47. seq. & IAC. AYRER in Processu iur. P. I. cap. XI. obs. 2. n. 16.

*i)* Vid. Ill. Praefidis Tr. de Gynaecratia tutelari viduarum illustr. Sect. II. cap. I. §. 2. interque ibidem laudatos in primis Ill.

GAERTNERI diss. qua Iure Germ. inter impuberes & minores, tutores & curatores non distingui, ostendit.

*a)* STRAVCH. diss. cit. §. 36.

*a)* in l. 2. §. 5. C. de iur. iur. propter cal.

*quo corpore, vel vico, vel alia vniuersitate.* Quare haud dubie oeconomii quoque & Syndici, quos etiam alias cum tutoribus & curatoribus, quam cum procuratoribus, comparare mauult Ill. LEYSERVS, *b*) nomine vniuersitatis vel secularis, vel ecclesiasticae, litigantes ad iuramentum cal. sunt obligati. *c*) Mandatum tamen speciale ad hoc requirunt Dd. eoque deficiente illud ab integro Senatu s. Collegio exigiposse, contendunt, *d*) quanquam seniores tantum, qui optimam negotii controuerſi scientiam habere censentur, immo iuniores potius, si magis illud cognitum perspectumque habeant, iurare soleant. *e*) Quem modum vt in plurimis iudiciis receptum esse testatur SETSERVS *f*); ita in Saxonia ideo potissimum obseruari, post CARPZOVIVM *g*) aliosque lctos Sax. notat BRVNNEMANNVS *h*), quia Syndicus, vt-pote instar mandatarii, ad iurandum ibidem non admittendi, se habens, a iuramento hoc plane repellatur. *i*) Quod si tamen causam omnino non nesciant Syndici, adeoque in propriam animam iurare possint, *k*) nullum est dubium, quin non solum admitti, sed etiam cogi ad iuram. cal. queant. *l*)

§. XXII.

*b*) *Medit. ad ff.* Sp. 54. m. 12.

*c*) Vid. c. 4. & 6. X. *de iuram. cal.* c. 2. *de Test.* in 6. Conf. LANCELOTT. I. I. C. L. III. Tit. 12. §. 4. Adde. HUNNIVM *Encyclopaed. iur.* P. II. Tit. II. c. IV. n. 8. ibique magno numero citatos.

*d*) Vid. BERLICH. P. I. *Concl.* §1. n. 23. & ab eo excitatus IOH. FERRAR. P. II. L. 2. c. 2. *vers.* ad §. *proinde in verbo Syndicus.*

*e*) Vid. CARPZ. *Proc.* Tit. XII.

Art. I. n. 35. & P. I. C. 13. *def.* 1. *seqq.* & *conf.* Illustr. LEYSER *Med.* ad ff. Sp. 143. n. 3. *seqq.*

*f*) *de Iuram.* Lib. III. C. III. n. 40.

*g*) l. c. *def.* IV. n. 4.

*h*) *Proc. ciu.* cap. XV. n. 10.

*i*) Conf. Cel. IOH. FLORENS RIVINVS *de Iuram. Vniuersitat.* §. XXVII.

*k*) Vid. c. 3. X. *de iuram. cal.*

*l*) Vid. ENGEL in *Colleg. iur. can.* L. II. Tit. 7.

## §. XXII.

## V. DE CONTRADICTORIBVS, DEFENSORIBVS ET ADVOCATIS PAUPERVM.

Annon autem aduocatus, siue procurator, ex officio parti alicui datus ab ipso iudice, ad peragendam certam causam, renuere possit iuramentum calumniae, a parte aduersa exactum, saepe quaesitum est. Referuntur huc curatores litis, s. contradictores, defensores & aduocati pauperum, qui omnes ab eius praestatione eo magis immunes esse videntur, quo minus calumniari praesumitur, qui iussui magistratus obtemperat. <sup>a)</sup> Sicut enim hic ex illicito licitum facit; ita nihil imputari potest ei, cui nihil nisi obsequii gloria relicta est, quae ipsa ei non permittit causae patrocinium sibi demandatum declinare. Sed quantumvis iusta visa fuerit causa iudici, dum illam advocato s. procuratori committeret; variis tamen modis hic circa eam tuendam potest malitiose versari. Vnde distinguunt Dd. <sup>b)</sup> inter merita causae, & ipsum processum. Quoad illa iusiurandum cal. remittunt aduocatis, ita quidem, ut non opus habeant iurare, quod credant, se habere bonam causam, ne iussus iudicis, qui eam illis agendam commisit, ipsis fraudi sit atque offensioni; quod autem ad modum procedendi attinet, quippe qui nudum illorum ministerium respicit, eos ad iuramentum omnino adstringi eatenus volunt, ut iurent, se causam non esse calumniose pro-

tra-

<sup>a)</sup> Vid. l. 167. ff. de R. I.

<sup>b)</sup> Vid. GAILIVS L. I. Obf. 88. & qui eum presse sequitur, STRAVCHIVS diss. de iuram. cal.

§. 39. Add. LYNCKER in *Comment. iur. civ.* Lib. XII. Tit. 2.

§. 59. extr. & Perill. BOEHMER L. E. P. L. II. Tit. 7. §. 4. in fine.

tracturos, quum calumniari non solum dicatur is, qui causam iniustam tuetur, sed etiam, qui iustam improbe differt ac sufflaminat. Neque dubitandum est, quin iudex, qui ipse causae patrocinium alicui demandauit, ei iuramentum cal., si a parte exigatur, quoad merita, facile sit remissurus, quum e contrario in iis, quae munus suum in ea prosequenda concernunt, illud vix sine fraudis suspicione possit aduocatus detrectare.

## §. XXII.

## VI. DE PRAEFECTIS S. OFFICIALIBVS PRINCIPVM.

Non minus frequens est quaestio de praefectis, s. officialibus principum, qui hoc ipso sui officii colore iuramento calumniae se plerumque subtrahere conantur, quamuis aliis ipsi iuramentum litis decisorium subinde deferre, & ab aliis vicissim delatum acceptare haud dubitent; *a* sed frustraneos eorundem esse conatus, tot praecudicia probant, quibus etiam ad iurandam calumniam fuerunt adaecti. Neque id sine causa fieri, docet MEVIUS, *b*, eo minus isti hominum generi id iuramentum remittendum statuens, quod scimus, adulatione erga principes, aut pro ambitione vel auaritia sua saepius lites excitare, aliis

mo-

*a*) Vtrumque commode fieri posse, quum praefectis cura & administratio bonorum & iurium principis commissa sit, adeoque ipsi se iustar procuratoris omnium bonorum habeant, & B. PFENDORFIVS, STRYKII de Caut. iuram. P. II. S. I. cap. 4. §. 296. & LAVTERBACHII in Colleg. th. pr. Tit. de iureiur. §. 54. au-

thoritate suffultus, asseruit, *Introd. in proc. ciu.* P. III. c. V. §. 10. & dignissimus eiusdem filius, ad III. LEYSERI *Medit. ad ff. Sp.* 136. prouocans, statuit idque praecudicio summi prouocationum Tribunalis Cellens. corroborauit, Obs. 181.

*b*) Part. III. Dec. 191.



*mouere, & vel illorum gratiam, vel sua compendia, vel in alios vindictam quaerere.* Quare etiam iusiurandum appellationis officialibus, qui nomine principis sui ad superius iudicium prouocarunt, argumentum a procuratoribus, quorum vices sic gerunt, ducens eis recte iniungi, contendit. *c* Sua fecit, MEVH verba BRUNNEMANNVS *d*) eiusque sententiam penitus amplexus est, quae etiam fere communi Ictorum suffragio compobatur. *e*)

## §. XXIII.

## VII. DE CONSILIARIIS PRINCIPVM.

Aliud dicendum est de ministris ac consiliariis principum, non quidem indistincte, sed eo cum discrimine, ut videndum sit, propione, an dominorum suorum nomine, litigent. Priori casu illos a iuramento calumniae neutiquam exemptos esse, itidem docet modo laudatus MELVVS *a*), idque praecipui cum SETSERO *b*) tribuit, ut, tanquam personae egregiae, siue speciosae, ut vocat VLIPIANVS, *c*) & in dignitate insigniori constitutae, non publice in loco iudicii, sed domi suae coram deputatis a iudice, parte aduersa, vel procuratore eiusdem praesente, iurare debeant, quod ipsum quoque constitutioni IVSTINIANI *d*) non minus, quam antiquo iuri, *e*) perquam est consentaneum. Posteriori autem casu, si non pri-

*a*) P. IV. Obf. 113.

*d*) *Iur. eccl'es.* L. III. c. V. §. 16.

*e*) Vid. P. MÜLLERVS  
ad STRVVII EX. XVII. th. 73. &  
III. FLOERCKE diss. cit. §. XII.

*a*) P. V. Decif. 237.

*b*) de *iuram.* L. III. cap. 7. n.  
7. seqq.

*c*) l. 100. ff. d. V. S.

*d*) l. 2. §. 1. C. h. t. iuncta  
*Non.* 123. c. 7. & *Non.* 124. c. 1.

*e*) Vid. l. 15. ff. de *iureiur.* &  
conf. MENOCH. de *Arbitr. iud.*  
L. II. Cent. I. Caf. 70. WERNHER  
P. IV. Obf. 151. n. 580

privatas, sed principum suorum causas agant, illis aequae, ac his, Recessus imperii nouissimus, supra f) iam hanc in rem allegatus & plerisque ordinationibus prouincialibus adprobatus, hanc veniam dedit, vt a iureiurando cal. sint immunes. Regulae enim, quae ibidem de iurei, cal. ab omnibus partibus litigantibus earumque procuratoribus & aduocatis praestando traditur, haec exceptio est addita: *Darvon iedoch der Churfürsten vnd Staenden verpflichtete wuerkliche Raethe, so viel ihrer Herrn Rechtferigungs-Sachen betrifft, zu excipiren.* Huic ipsi vero exceptioni duae limitationes insertae sunt, quae regulam in casibus non exceptis satis clare firmant. Altera personas consiliariorum ipsas respicit, vt scilicet non sint titulares vel honorarii tantum, siue *von Haufs aus*, vti vernaculo sermone vocantur g), sed actuales, siue, vt RODINGIVS h) explicat, *qui incuria principum & actuali ipsorum seruitio sunt, Besoldte, Gebroedte Raethe.* i) Altera spectat ad causas, in iudicium deductas, vt nempe dominos suos, non semet ipsos, tangant. Neque vero has ipsas limitationes sine noua restrictione dimittunt nonnulli iuris publici interpretes, sed causas, quae inter principem & subditos vel vasallos eius ventilantur, ab iis, quae principi vel cum alio principe, vel cum ciue extraneo discutiendae sunt, sollicitè distinguunt. In illis remissioni iura-

f) §. XI.

g) Vid. PAVL. GAMBSIVS in Comment. ad h. l. MOLLENBEC. Diss. de arbitrio ac potestate iudicis circa iuram. cap. ll. §. 4.

h) in Pandect. cameral. L. III. Tit. 30. p. m. 838.

i) Conf. etiam BLVM. in Processu cam. Tit. 72. §. 19. &amp; HORNIUS Consult. Class. XII. Sent. 40. quae nomine Elect. Brand. 1696. lata ordinationem iudicalem Brand. tanquam exorbitantem similiter tantum ad consiliarios actuales restringit.

ramenti calumniae quidem, ob similitudinem sanctimoniae & reuerentiae, propter quam parentes & patronos ab eo immunes esse supra *k)* diximus, locum dare haud dubitant; in his vero, propter cessantem hanc rationis paritatem, legis quoque dispositionem cessare, volunt *l)* Sed plerisque tamen ex benigna interpretatione & ob dignitatem eminentiorem, quae omnem calumniae suspicionem excludere censetur, *m)* indiscriminatim principibus, siue cum suis, siue cum alienis ciuibus ipsis res sit, adeoque etiam eorundem consiliariis hanc immunitatem adscribunt, idque obseruantia summorum imperii tribunalium confirmant. *n)* Controuersiam vero, Sereniss. Duci Saxo-Isenacensi, Ioh. Guilielmo, p. m. cui restitutionem in integrum petenti iuramentum cal. a Camera imper. iniunctum fuerat, nouiter ao. 1723. de hac exemptione metam, pariter ac scripta, quae tum pro illa tuenda in Comitibus exhibita fuerunt, *o)* commemorat Ill. FLOERKIVS, *p)* qui simul antiqua tempora, quibus status imp. a praestatione iuramentum cal. nondum exempti fuerunt, & recentiora, quibus haec immunitas satis luculenter ipsis asserta stabilitaque fuit, probe distinguit, adeoque totum hoc argumentum ex ipsis legibus imp. egregie illustrat. Hac tamen exemptione non obstante multum hic

*k)* Cit. §. XI.

*l)* Vid. inter alios RVLAND de Commissar. P. I. L. II. c. 14. n. 10. MYLER AB EHRENBACH de principibus & stat. Imp. Rom. Germ. P. I. cap. 20. §. 5. Add. ANT. GVLERTL de iur. princip. Ex. XII.

*m)* Vid. SCHRADER de feud. P. X. Sect. 3. n. 77. GRAEV. I. Concl. 90. SETSER de iuram. L. III. c. 3. n. 100. MYLER AB EH-

RENB. in Nomologia C. V. n. 2. §.

*n)* Vid. MYNSINGER I. obf. 74. OBRECHT de iuram. cal. cap. VIII. n. 13. MEV. P. III. D. 171. n. 1. & D. 278. n. 3. STRYK de Remiss. iur. cal. cap. II. n. 78.

*o)* Extant illa in FABRI Staats-Canzley T. 44. c. 17. & T. 45. cap. XI.

*p)* Diff. cit. §. XII. pag. 27. §.

hic quoque arbitrio iudicis, si de lite calumniosa ex actis confiter, tribuit MOLLENBECIVS *q*), HORNII *r*) & STRYKII *s*) vestigiis insistens, atque ita tandem concludens: *Si tamen ex actis iudicii adparet, Consiliarium ex adulatione erga principem, aut pro ambitione, vel avaritia, vel odio aliquo erga subditum litem excitasse, ut per hanc principis gratiam, aut suum emolumentum quaereret, vel etiam in subditum vindictam exerceret, ut saepius fieri solet, vel etiam ipsam causam principis iniquam esse, iudex cordatus, posthabito omni respectu personae, iustitiam & veritatem sequi, adeoque consiliarium ad iurandum de calumniis per sententiam condemnare non veretur.* Neque, quae de immunitate a iuramento cal. communi in hoc Recessu disposita sunt, ad iuramentum Appellationis & Reuisionis, ob maiorem tunc iudicii cameralis religionem & fortiolem calumniae praesumptionem, extendi posse, interpretes contendunt. *t*)

## §. XXV.

VIII. DE ADVOCATIS ET PROCVRATORIBVS FISCO  
TRANSEVNTER.

Solet quoque argumentum, inde pro immunitate a iureiurando calumniae petatum, communiter ad procuratores & advocatos fisci, ex itenditate rationis, extendi. Sed quia eius discussionem Ill. Praefes programmari in augurali referuavit, hic solum abrupto, ipsique hunc locum suppleendum relinquo.

*q*) loco citato.*r*) l. c.*s*) Tr. de cautel. iuram. P. III. Sect. I. §. 21. n. 15. seq.

S. I. C. I. n. 96.

*t*) Vid. GAMBSIVS l. c. & LYN-

CKER. de Grau. extrai. cap. V.